



SIUMUT

INATSISARTUNI ILAASORTAATITAT / LANDSTINGSGRUPPEN

24. januar 2011

UPA2011/73

Inatsisartut suleriaasianni § 33 naapertorlugu matumuuna Inatsisartut aalajangiiffigisassaattut siunnersuut imattoq saqqummiuppara.

UPA12 nallertinnagu Naalakkersuisoqarfiiit suleqatigiillutik inuussutissarsiornermut inatsit siunertaanngitsumik isertortumik akunermiliuttoqarsinnaanngortitsilluni (stråmandsvirk-somhed) Kalaallit Nunaannit aningaasanik annissuinissaq siunertaralugu nalorninar-sinnaasumillu aningaasannanniarluni transfer pricing atorlugu periarfissiinersoq misis-soqqullugu, tassunga ilanngullugu piginneqatigiissutinik tuniniaaneq atornagu aningaasaatillillu aningaasanik attartorfigalugit aningaasaliineq atorneqarnersoq pillugu Naalakkersuisut inuussutissarsiummik ingerlataqarneq pillugu inatsisartut inatsisaanni allanngortitsinissaq siunertaralugu suliaqaqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartuni ilaasortaq, Kim Kielsen Siumut)

Tunngavilersuut:

Aatsitassarsiorneq pillugu inatsimmi (Aatsitassat pillugit ingerlatallu tamatumunnga pingaarutillit pillugit inatsisartut inatsisaat nr. 7, 7. december 2009-imeersoq) ilaatigut § 16, imm. 3-mi ima siunertalimmik aalajangersagaqarpoq, tassa nunatta iluani avataanilu inissismasunit suliffeqarfiiit akornanni piviusorsiunngitsumik aningaasanik nuussisoqarsinnaaneranik akiuinissaq siunertaralugu aalajangersagaq. Aalajangersakkat taakku siunertanut tulluartuupput ajoraluartumillu aalajanger-sakkat assingi inuussutissarsiornermut inatsimmi (Kalaallit Nunaanni inuussutissarsiummik ingerlataqarneq pillugu Inatsisartut inatsisaat nr. 12, 12. november 2001-imeersoq) atuutinngillat.

Isumaqvippunga ajoqtaanngitsumik assigiinnik malittarisassaqarsinnaasoq, nunatsinni suliffeqarfinnik assigiingitsunik inatsisitigut malittarisassiisunik. Aatsitassarsiorneq pillugu inatsit aqqutigalugu aatsitassat pillugit suliaqarnermi transfer pricing kiisalu aningaasaliineq atornagu taamaattorli aningaasaliisartut attartorfigalugit aningaassarsortarneq akiorniarlugu annertuumik alloriarsimasugut isumaqarpunga. Taamaalilluta siunertaanngitsumik isertortumik akunermiliuttoqarsinnaaneq aningaasanillu aniatitsisinnaaneq illuatungilerparput.

Inuussutissarsiummik ingerlataqarneq pillugu inatsit kingullermik allanngortinneqarpoq 2006-imi. Allannguutit ullumimut ajornartorsiutaasunut sillimanngillat.

Taamaattumik isumaqarpunga piffissanngortoq inuussutissarsiummik ingerlataqarneq pillugu inatsisip allanngotinneqarnissaa, taamaalilluni aatsitassarsiorneq pillugu inatsisip inuussutissarsiummillu inatsisip atuuttup iluani aalajangersakkat nutaat akornanni ataqtigisiisaqarisoqarnissaa qulakkeerneqarluni. Naleqquutunngilarmi inussutissarsiutit assigiingitsut iluanni marlunnik assigiingitsunik malittarisassaqarnera assigiisaqarisoqarnissaannummi tunngavik pisortat inger-latsinerannut tamanut aallaaviuvoq. Assgiisaqarisoqartariaqarnermut tunngaviup piumasaqaatigaa kikkut tamarmik asigiimmik pineqartariaqarnerat, soorluttaaq tungaveanngittumik assigiingisit-sisoqarsinnaanngittoq.

Taamaattumik siunnersuutigaara Naalakkersuisut peqquneqassasut Inuussutissarsiornermik inatsisip naleqquutinngittunik maleruagassaqarsinnaaneranik misissueqqullugit taaamaattoqarsimappallu inatsisit qularnarunnaarsinneqarnisat siunertaralugu siunnersummik saqqummiussequllugit.



SIUMUT INATSISARTUNI ILAASORTAATITAT / LANDSTINGSGRUPPEN

Naalakkersuisut Inatsisartullu soorluttaaq innuttaasut suliffeqarfiutillillu tamanna soqtigisaaniippoq.

Pisortanut aningaasaqarnikkut allaffissornikkullu kingunissai

Siunnersuutip piviusunngortinnejnerani allaffissornikkut assigiinngitsutigut nukinik atuisoqassaaq, soorlu Akileraartarnermut Aqutsisoqarfimmi, Siulersuisunut allattoqarfimmi, Inuussutisarsiornermut Naalakkersuisoqarfik il.il. allaffissornikkut kingunissai uani killiffimi eqqortumik nalileruminaapput, suliniutit assigiinngitsut siunnersuummut attuumassuteqarsinnaasut ilaatigut aallartinneqareersimasinnaammata, taamaattumik aallaqqaataanniit suliniutit ataqtigisaarnissaat nukinik aningaasanillu atuiffigineqarnerunissaat ilimanarneraluni. Taamaaliorneq pisinnaavoq Naalakkersuisut Siulittaasuata pilersaarusrorneq pillugu allaffeqarfiata ataanni imaqlauunnit Aningaasaqarnermut Naalakkersuisoqarfimmit. Allaffissornikkut nukinik atuineq naatsorsuutaavoq inuup ataatsip ukiumut suliarisinnaasaasa naatsorsornerata affai atorneqassasut, taakkulu ulluinnarni allaffissornikkut ingerlasinerup iluani nassaarineqarsinnaassapput.

Namminersorlutik suliffeqarfiutilinnut aningaasatigut alalffissornikkullu kingunissai

Siunnersuutip kinguneranik suliffeqarfiit namminersorlutik ingerlatat ilaanni nalorninar-sinnaasumik aningaasannanniartarnerup killilersimaartinneqarneranik kinguneqassaaq. Immikkut isigalugu inuussutissartiuteqarnermut iluaqutaassaaq, aningaasat inuiaqtigiiinni suliffeqarfinnilu kaaviaartinneqartut amerlanerulerterat qulakkeerneqassammat.

Innuttaasunut aningaasatigut allaffissornikkullu kingunissai

Siunnersuut innutaasunut kinguenqarnavianngilaq.